



НИЙСЛЭЛИЙН ЧИНГЭЛТЭЙ ДҮҮРГИЙН
ИРГЭДИЙН ТӨЛӨӨЛӨГЧДИЙН ХУРЛЫН
ТОГТООЛ

2016 оны 12 сарын 09 өдөр

Дугаар 15

Улаанбаатар хот

“Дүүргийн Иргэдийн Төлөөлөгчдийн
Хурлын 2016-2020 он хүртэлх үйл
ажиллагааны хөтөлбөр” батлах тухай.

Монгол Улсын Засаг захиргаа нутаг дэвсгэрийн нэгж, түүний удирдлагын тухай хуулийн 20 дугаар зүйлийн 20.1.7 дахь заалтыг үндсэлэн Дүүргийн Иргэдийн Төлөөлөгчдийн Хурлаас ТОГТООХ нь:

1. Дүүргийн Иргэдийн Төлөөлөгчдийн Хурлын 2016-2020 он хүртэлх үйл ажиллагааны хөтөлбөрийг хавсралт ёсоор баталсугай.

2. Хөтөлбөрийн хэрэгжилтийг зохион байгуулж, үр дүнг жилийн эцэст дүүргийн Иргэдийн Төлөөлөгчдийн Хуралд тайлангаж ажиллахыг Хурлын Ажлын алба /Ц.Алтанцацрал/-д даалгасугай.

ХУРЛЫН ДАРГА

Д.БАТ-ЭРДЭНЭ



1150100047

Чингэлтэй Дүүргийн Иргэдийн Төлөөлөгчдийн
Хурлын 2016 оны 12 дугаар сарын 09-ний
өдрийн 15 дугаар тогтоолын хавсралт

**ЧИНГЭЛТЭЙ ДҮҮРГИЙН ИРГЭДИЙН ТӨЛӨӨЛӨГЧДИЙН
ХУРЛЫН ҮЙЛ АЖИЛЛАГААНЫ ХӨТӨЛБӨР
/2016-2020/**

Хөтөлбөрийн зорилго

Хүний хөгжилд тулгуурласан, Төр иргэний хамтын ажиллагаанд суурилсан, дүүргийн нийгэм, эдийн засгийн эрчимтэй өсөлтийг хангасан Нутгийн өөрөө удирдах ёсны байгууллагын үйл ажиллагааг бэхжүүлнэ.

Хөтөлбөр хэрэгжүүлэх зарчим

1. Хурлын байгууллагын үйл ажиллагаа ил тод, нээлттэй байна.
2. Хэрэгжих үйл ажиллагаа бүр нь шударга эрх тэгш байдлыг хангасан байна.
3. Хөтөлбөр хэрэгжүүлэгч бүр өөрийн нөөц бололцоо, мэдлэг чадвараа бүрэн дайчлан хариуцлагатай ажиллана.
4. Хурлын үйл ажиллагаа бүрт иргэдийн оролцоог хангах
5. Ажил хариуцагч бүр шинийг эрэн хайж, өөрчлөлт шинэчлэлтийг хийж ажиллана.

Хөтөлбөрийн зорилт

Нэг. Нутгийн өөрөө удирдах байгууллагын үйл ажиллагааны чадавхыг бэхжүүлнэ.

1.1. Хурлын Төлөөлөгчдийн сонгогдсон тойрогтоо ажиллах, Хурал, Тэргүүлэгчдийг хуралдаа ажиллах нөхцөл бололцоог хангах замаар Төлөөлөгч иргэдийн хамтын ажиллагааг бэхжүүлэх

1.2. Хууль тогтоомж, Засаг даргын үйл ажиллагааны хөтөлбөр, дүүргийн нийгэм, эдийн засгийн үндсэн чиглэлийн хэрэгжилт, цаг үеийн шаардлагатай бусад асуудлаар Хурлын хороодоос эрхэлсэн асуудлынхаа хүрээнд хяналт шалгалт, мониторинг, судалгаа хийх, санал дүгнэлт, зохистой шийдлийн төсөл боловсруулж шийдвэрлүүлэх, нийтийн анхаарал татсан асуудлаар тавьсан асуулгын мөрөөр ажиллах, Хурал, Тэргүүлэгчдээс гарсан шийдвэр, баталсан хөтөлбөр, зорилт бүрийнхээ хэрэгжилтэд хяналт тавьж, үр дүнг тооцох, зохион байгуулсан ажлаа тайлагнан сурталчилах зэрэг нутгийн өөрөө удирдах байгууллагын байнгын үйл

ажиллагаа, хүлээсэн хариуцлага, сонгогчдын итгэл найдварыг биелүүлэхтэй холбоотой манлайлалыг хангахад ахиц өөрчлөлт гаргах

1.3. Дүүргийн хүн амын нийтлэг эрх ашиг, нийгэм эдийн засгийн аливаа асуудлыг бие даан хэлэлцэн шийдвэрлэх, иргэд байгууллага аж ахуйн нэгжээс нийтээр дагаж мөрдөх нийтлэг дүрэм, журмын чиглэлийг тогтоох ажилд Хурлын байгууллагын үйл ажиллагааг чиглүүлэн түүний биелэлт үр дүнг дээшлүүлэхэд анхаарч ажиллах

1.4. Шаардлагатай асуудлаар дунд хугацааны тусгайлсан дэд хөтөлбөр, баримт бичгүүдийг боловсруулан баталж, мөрдүүлэх зэрэг удирдлага зохицуулалтын арга хэмжээг авах

1.5. УИХ, Нийслэлд сонгогдсон гишүүд, Төлөөлөгчдийн иргэд сонгогчидтой хийх уулзалтыг зохион байгуулах, иргэдийн санал хүсэлтийн мөрөөр хамтран ажиллах замаар иргэд сонгогчидтой нь холбох

1.6. Хурлын байгууллагын нэр хүндийг дээшлүүлэх, харилцах ажлын хүрээ, гүйцэтгэх үүргийг өргөжүүлэх, иргэд сонгогчидтой байнгын харилцаатай байж, иргэд, гүйцэтгэх засаглалыг холбох гүүр болж ажиллах

1.7. Байгууллагын үйл ажиллагаа, бодлогын хэрэгжилтэд хийх хяналт-шинжилгээ, үнэлгээнд иргэд, иргэний нийгмийн байгууллагын оролцоог нэмэгдүүлж, хамтын ажиллагааг өргөжүүлэх

1.8. Хурлын Төлөөлөгчдийг мэдээ мэдээллээр хангах, сургалтын эрэлт хэрэгцээ, ажлын шаардлагыг нь харгалзан зорилтот болон захиалгат сургалтад хамруулах

1.9. Хороодын Иргэдийн Нийтийн Хурлын үйл ажиллагааг сайжруулж, чадавхыг нь бэхжүүлэх мэргэжил, арга зүйн зөвлөгөө, туслалцаа үзүүлэх, хамтран ажиллах замаар нутгийн өөрөө удирдах ёсыг анхан шатны нэгжид төлөвшүүлэхэд бүхий л талын дэмжлэг үзүүлэх

1.10. Нутаг дэвсгэр дэх шашин, сүм хийд, аж ахуйн нэгж, Төрийн бус олон нийтийн байгууллагуудтай ажил төрлийн холбоотой хамтран ажиллаж, тэдний санал санаачлагыг дэмжих

1.11. Хурлын байгууллагын дэргэдэх салбар зөвлөлүүдийн үйл ажиллагааг байгууллагын үйл ажиллагаатай уялдуулан зохицуулах, чиглэл тус бүрээр цогц бодлого, зорилтыг нутаг дэвсгэрийн хэмжээнд хэрэгжүүлэх, үр дүнд хүрсэн ажлуудыг шат дараатай хэрэгжүүлэх

1.12. Харилцаат бүхий Улс орнуудтай хамтын ажиллагаагаа өргөжүүлж, стратегийн түншлэлийг тогтоон, оюутан, сурагч солилцох, мэргэжилтэн бэлтгэх, дүүрэг хөгжүүлэх бүтээн байгуулалтын болон нийгмийн бүхий л салбарт хамтран ажиллах санал санаачлагыг дэмжин ажиллах

1.13. Гадаад харилцаа, хамтын ажиллагааг өргөжүүлж, үр өгөөжтэй, нэгдмэл байх зарчмыг хэрэгжүүлж, ижил төстэй байгууллагуудтай харилцаа холбоо тогтоох, харилцан туршлага солилцох, сайн туршлагыг дүүрэг орон нутагтаа хэрэгжүүлэх бодлого боловсруулах

Хоёр. Хурлын байгууллагын бодлого шийдвэр, үйл ажиллагаанд иргэдийн оролцоог хангана.

2.1. Дүүргийн өмнө тулгамдаж буй нийгэм, эдийн засгийн асуудлуудыг шийдвэрлэхэд иргэдийн санал, санаачлагыг тусгах, оролцоог дээшлүүлэх

2.2. Дүүрэг, орон нутгаа хөгжүүлэх санал санаачлага гаргагчдыг дэмжин, хамтран ажиллаж, иргэдийн энэ талын мэдлэгийг дээшлүүлэх дэс дараатай арга хэмжээ авах

2.3. Иргэдийн оролцоотой, хариуцлагатай төсвийн орчинг бүрдүүлж төсөв, санхүүгийн шинэчлэлийн бодлогыг хэрэгжүүлнэ.

2.4. Хурлын байгууллагаас дэвшүүлсэн бодлого, нийтээр дагаж мөрдөх хэм хэмжээ тогтоосон шийдвэрийн төслийг иргэдээр хэлэлцүүлж, захиргааны актын оновчтой байдлыг хангах.

2.5. Төр-иргэний нийгмийн түншлэлийн чанар, үр нөлөөг дээшлүүлж, төрийн зарим ажил, үйлчилгээг төрийн бус байгууллага, мэргэжлийн холбоодоор гэрээгээр гүйцэтгүүлэх ажлыг хэрэгжүүлэх

2.6. Хурлын байгууллагаас баталсан шийдвэр, бодлого, зорилтоо иргэдэд шуурхай хүргэх, сурталчилах, байнгын тогтолцоог бүрдүүлэх

2.7. Орон нутгийн эдийн засаг, нийгмийн хөгжлийн зорилт, хөрөнгө оруулалт, бүтээн байгуулалтын ажил, хэрэгжүүлэх төсөл, хөтөлбөрүүдийг тухайн нутаг дэвсгэрт оршин суугаа хүн ам, олон нийт, иргэдийн хэлэлцүүлэгээр эрэмбэлж, өргөн мэдүүлэх журмыг хэвшүүлэх.

2.8. Иргэний танхимын хүний нөөц, санхүү, техник хангамжийг бэхжүүлэх замаар иргэдийн хөгжих нөхцөл бололцоог дээшлүүлэх

2.9. Иргэд, аж ахуйн нэгж, байгууллагаас тавьсан санал хүсэлт, өргөдөл гомдлыг шийдвэрлэх, гарсан шийдвэрийн хариуг шуурхай хүргүүлэх замаар эргэх холбоотой ажиллах, чирэгдэлгүй Төрийн үйлчилгээг үзүүлэх

2.10. Нийгмийн зорилтот бүлэг рүү чиглэсэн үйл ажиллагааг идэвхжүүлэх, энэ чиглэлээр олон нийт, Төрийн бус байгууллагын оролцоог нэмэгдүүлэх.

2.11. Төрийн үйлчилгээний хүртээмж, нийгмийн болон зорилтод бүлгүүдэд чиглэсэн судалгаанд үндэслэн бодлого, үйл ажиллагаагаа чиглүүлэх, иргэнд түгээмэл үйлчилгээ үзүүлдэг байгууллагуудын ажлыг иргэдийн үнэлгээ, сэтгэл

ханамжийн судалгаагаар үнэлэх зэрэг үйлчилгээний арга хэлбэрийг нь боловсронгуй болгох, хүртээмж чанарыг сайжруулах санал санаачлагыг дэмжих.

Гурав. Хурлын байгууллагын үйл ажиллагааны ил тод, нээлттэй, шуурхай байдлын ханган ажиллана.

3.1. Хурлын Ажлын албаны бүтэц, нэгжүүдийн үйл ажиллагааг сайжруулах, ажилтнуудын ажлын байрны тодорхойлолт, чиг, үүрэгт тавигдах шалгуур, шаардлага, хариуцлагыг бодлого, зорилтод уялдуулан шинэчлэх.

3.2. Албан хаагчдын ёс зүйд хяналт тавих, шаардлагыг өндөржүүлэх, албан хаагчдын харилцааны соёлыг сайжруулах, ажлын хариуцлага, санаачлагыг дээшлүүлэн Төрийн жинхэнэ албан хаагчдыг төлөвшүүлэх, гүйцэтгэлийг үр дүнд суурилсан үнэлэх хэлбэрийг хэвшүүлэх замаар төрийн албаны стандартыг хэрэгжүүлэх

3.3. Албан хаагчдын ажлын шаардлага, эрэлт хэрэгцээг үндэслэн зорилтот болон захиалгат, мэргэшүүлэх, давтан сургах сургалтуудад хамруулах замаар мэдлэг, ур чадварыг нь дээшлүүлэх

3.4. Төрийн албан хаагчдын нийгмийн баталгааг хангах хүрээнд албан хаагчдын нийгмийн асуудлыг судлан шийдвэрлэх, шагнаж урамшуулах асуудлыг шат дараатай зохион байгуулах

3.5. Төсөв, санхүүгийн шинэчлэлийн бодлогыг хэрэгжүүлж, төсвийн ил тод, нээлттэй байдлыг хангаж, хариуцлагыг дээшлүүлэх

3.6. Хурлын байгууллагын үйл ажиллагаа, хүний нөөц, төсөв санхүүгийн ил тод байдлыг олон нийтэд шуурхай түгээх замаар иргэдийг мэдээ, мэдээллээр хангах

3.7. Хурал, Тэргүүлэгчид, Хурлын хороодын хуралдаан, үйл ажиллагааг иргэд, олон нийтэд нээлттэй ил тод болгох, үйл явцыг шуурхай хүртээмжтэй сурталчилж, мэдээ, мэдээллийн үнэн бодит, нэгдмэл байдлыг хангах

Дөрөв. Нутаг дэвсгэртээ нийгмийн дэг журмыг хангах, иргэдийн амар тайван ажиллаж амьдрах нөхцөлийг бүрдүүлэх, гэмт хэргээс урьдчилан сэргийлэх үйл ажиллагааг эрчимжүүлнэ.

4.1. Гэмт хэрэгтэй тэмцэх, урьдчилан сэргийлэх, нийгмийн хэв журам хамгаалах ажлын үр дүнг дээшлүүлж, иргэдийн аюулгүй орчинд тайван амьдрах баталгааг хангахад чиглэсэн цогц арга хэмжээг хэрэгжүүлэх

4.2. Нийгмийн дэг журмыг бэхжүүлэх, гэмт хэргээс урьдчилан сэргийлэх хороодын салбар зөвлөлийн үйл ажиллагааг идэвхжүүлэх

4.3. Гэмт хэргээс урьдчилан сэргийлэх үйл ажиллагаанд иргэд, олон нийтийн оролцоог нэмэгдүүлж, оршин суугчдын идэвх санаачилгад тулгуурласан

“Иргэдийн хяналт-Нийтийн эргүүл-Камерын хяналт-Гэрэлтүүлэгтэй орчин” цогц бодлого бүхий дэд хөтөлбөрийг хэрэгжүүлэх.

4.4. Нийгмийн дэг журмыг сахиулах, орчны эрүүл ахуй, аюулгүй байдлыг үйлчилгээний хүрээнд хангуулах, холбогдох хууль, журмыг мөрдүүлэх талаар хууль, хяналтын байгууллагуудын үйл ажиллагааг нэгтгэн зохицуулах.

4.5. Гэмт хэргийн шалтгаан нөхцлийг арилгах, хэрэг, зөрчлийг бууруулах талаар мэдээлэл сурталчилгаа хийх зэрэг олон талт арга хэмжээг холбогдох талуудын оролцоотойгоор хэрэгжүүлэх.

4.6. Авлигатай тэмцэх үндэсний хөтөлбөрийн хэрэгжилтийг хангаж, авлига, ашиг сонирхлын зөрчилтэй тэмцэх, олон нийтэд сурталчилах ажлыг зохион байгуулах ажлыг эрчимжүүлэх.

Тав. Дүүргийн нийгэм, эдийн засгийг хөгжүүлэх бодлогын зорилтуудын хэрэгжилтийг хангах, иргэдэд үзүүлж буй Төрийн үйлчилгээний чанарт ахиц гаргах, нутгийн захиргааны байгууллагын үйлчилгээнд хүнд суртал, чирэгдлийг гаргахгүй байлгахад хяналт, шинжилгээ, үнэлгээний ажлыг чиглүүлнэ.

5.1. Нутаг дэвсгэрийн хэмжээнд мөрдөгдөж буй дүрэм, журмын хэрэгжилтийг хангах хүрээнд байгууллага, аж ахуйн нэгжид тавих хяналтыг эрчимжүүлэх

5.2. Дүүргийн бодлого үйл ажиллагааг төлөвлөх, шийдвэр гаргах үйл явцад иргэд, иргэний нийгмийн ба сонирхлын бүлгүүдийн оролцоог хангах замаар иргэдийн санал бодлыг үйл ажиллагаандаа тусган хэрэгжүүлэх

5.3. Дүүргийн хөрөнгө оруулалт, төсөв, санхүүгийн харилцаа, өмчийн эрх зүйн орчныг боловсронгуй болгох, хяналтын үр нөлөөг сайжруулах, Төсвийн төлөвлөлт, хэрэгжилт, гүйцэтгэлийн талаар олон нийтэд ойлгомжтой, хүртээмжтэй байдлаар мэдээллэх тогтолцоог бүрдүүлэх

5.4. Төрөөс үзүүлж буй аливаа ажил, үйлчилгээ, хэрэгжүүлж буй арга хэмжээ, тэдгээрийн хүрээнд худалдан авч буй бараа, ажил, үйлчилгээ, түүний чанар байдал, тоо хэмжээний талаар олон нийтийн хяналтыг хэрэгжүүлэх боломжоор хангах

5.5. Хууль тогтоомж, хурлын шийдвэрийн биелэлтэд хяналт шалгалтын ажлыг зохион байгуулахдаа хөндлөнгийн хяналтын оролцоог нэмэгдүүлэх бодлого баримтлах, хянан шалгах үүрэг бүхий Хурлын хороодын үйл ажиллагааны чиглэл, зохион байгуулалтыг боловсронгуй болгох